

ARGVMENTVM
capitis tertij.



Abuchodonosor Rex Babylonius tetrus, ac crassis tenebris circumfusus, cęca temerariaque amentia commotus statuam auream in loco celebri collocavit, præcipiens vt omnes ei cultū Deo debitum exhiberēt. Cumq; alij eam summam colerēt religione, tres Hebręi Ananias, Azarias, Misael diuini numinis fide & amore incitati eā colere recusarunt. Maluerunt enim vitam in dis crimine adducere, quā religionem labefactare. Quam ob causam fuerunt in summum capitis periculum vocati, & ab impio rege superbia inflato, ac ira inimica consilio incenso damnati, & in ignem camini ardentis coniecti. At flammis expositi nullum ab illis acceperunt detrimentum: quin potius intacti in medio deambulabant, Deum summis laudibus efferentes, hymnisq; suauissimis celebrantes. Id intūs Nabuchodonosor eos iubet educi ē fornace, & miraculo vim naturę superate explorato, ac pianē perspecto, veri Dei potentiam cōfiteretur, cuius numine & prouidentia omnia gubernantur. Illud est aduertendum, huius capitis historiam aliquid habere vaticinationis, cū in ea scriptum sit aperuisse filium Dei, vt patres pueros eriperet a flammis: venturus enim erat Christus hominum genus liberaturus.

Caput Tertium.

Nabuchodonosor Rex fecit statuam auream altitudine cubitorum sexaginta, latitudine cubitorum sex: & statuit eam in campo Duran Prouincię Babylonis. Itaque Nabuchodonosor Rex misit ad congregandos satrapas, magistratus & iudices, duces & tyrannos, & præfectos, omnesque principes regionum, vt conuenirent ad dedicationem statuę quę crexerat Nabuchodonosor Rex. Tūc con-

gregati sunt satrapa, magistratus, & iudices, duces, & tyranni, & optimates, qui erant in potestatibus constituti: & uniuersi principes regionum, vt conuenirent ad dedicationem statuę, quę crexerat Nabuchodonosor Rex. Stabant autem in conspectu statuę, quę posuerat Nabuchodonosor Rex: & præco clamabat valenter. Vobis dicitur populus, tribubus, & linguis, in hora quę audieritis sonum tubę, & fistulę, & citharę, sambucę, & psalterii, & simphonie, & uniuersi generis musicorum, cadentes adorare statuam auream, quę constituit Nabuchodonosor rex. Siquis autem non prostratus adorauerit, eadem hora mittetur in fornacem ignis ardentis. Post hæc igitur statim vt audierunt omnes populi sonum tubę, fistulę, & citharę, sambucę, & psalterii, simphonie, et omnis generis musicorum, cadentes omnes populi, tribus & lingue adorauerunt statuam auream, quę constituerat Nabuchodonosor rex. Statimque in ipso tempore accedentes viri Chaldęi accusauerunt Iudęos. Dixeruntque Nabuchodonosor regi. Rex in aeternum uiue. Tu Rex posuisti decretū, vt omnis homo, qui audierit sonum tubę, fistulę, & citharę, sambucę, & psalterii, & simphonie, & uniuersi generis musicorum, prosternat se, & adoret statuam auream: siquis autem non procidens adorauerit, mittatur in fornacem ignis ardentis. Sunt ergo viri Iudęi, quos constituisti super opera regionis Babylonie Sidrach, Misach, & Aidenago, viri isti contempserunt Rex decretum tuum. Deos tuos non colunt, & statuam auream quę crexisti, non adorant.

Explanatio.

Nabuchodonosor. Magna est hominum mutabilitas, incredibilis varietas,